



Služba za društvene djelatnosti i poslove mjesnih zajednica

Broj: 07-sl./20

Ilijaš, 21.07.2020. godine

STRUČNA SLUŽBA OPĆINSKOG VIJEĆA I
OPĆINSKOG NAČELNIKA

**ODGOVORI NA VIJEĆNIČKA PITANJA I INICIJATIVE
SA 43. SJEDNICE OPĆINSKOG VIJEĆA ILIJAŠ
održane 30.06.2020. godine**

Ilijaš, juli 2020. godine

Ul. 126. Ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE, d.d. Sarajevo: 1602000000710645
e-mail drustvenedjelatnosti@ilijas.ba



Broj certifikata: CRO20063Q

ALMIR ŠPIODIĆ – nezavisni vijećnik

Pitanje:

3. Do kada predsjednici mjesnih zajednica i članovi savjeta mogu podnijeti ostavku na izabranu funkciju kako bi mogli biti na kandidati listi za općinsko vijeće.

S obzirom na to da je vijeće donijelo odluku da je nespojiva funkcija vijećnika i predsjednika savjeta, kao ni člana savjeta mjesnih zajednica, te da se prethodno mora podnijeti ostavku na funkciju koju obavlja trenutno.

Odgovor:

Općinsko vijeće Ilijaš, na 30. sjednici, održanoj dana 18. aprila. 2019. godine, donijelo je Odluku o uslovima, načinu kandidiranja, održavanja izbora, dodjeli mandata u Mjesnim zajednicama i razrješenju Predsjednika i Članova Savjeta Mjesnih zajednica.

Članom 10., stav 2, navedene Odluke, definisano je: *"Nespojiva je funkcija predsjednika i članova Savjeta mjesne zajednice sa funkcijom vijećnika u Općinskom vijeću Ilijaš."*

Članom 10., stav 4, peta alineja, definisano je: da će *"Kandidatska lista biti odbijena ukoliko se na Listi nalazi ime Općinskog vijećnika, a da istovremeno nije priložena ostavka na funkciju Općinskog vijećnika ovjerena od strane Centralne izborne Komisije BiH."*

Odluka o uslovima, načinu kandidiranja, održavanja izbora, dodjeli mandata u Mjesnim zajednicama i razrješenju Predsjednika i Članova Savjeta Mjesnih zajednica nije tretirala proces kandidovanja predsjednika i članova savjeta na lokalnim izborima, ali u slučaju njihovog izbora u Općinsko vijeće Ilijaš primjenjivat će se odredbe Člana 10. stav 2 Odluke o uslovima, načinu kandidiranja, održavanja izbora, dodjeli mandata u Mjesnim zajednicama i razrješenju Predsjednika i Članova Savjeta Mjesnih zajednica.

Članom 15., stav 3 i 4. definisano je:

"U slučaju odbijanja prihvatanja mandata, kao i prijevremenog prestanka mandata predsjedniku Savjeta mjesne zajednice, mandat se dodjeljuje sljedećem kandidatu sa Liste, a imenovanje vrši Općinsko vijeće na prvoj narednoj sjednici Općinskog vijeća."

U slučaju odbijanja prihvatanja mandata, kao i prijevremenog prestanka mandata članu Savjeta mjesne zajednice, mandat se dodjeljuje na način da Savjet mjesne zajednice predlaže člana Savjeta (vodeći računa o teritorijalnoj pripadnosti člana koji se mijenja), a imenovanje vrši Općinsko vijeće na prvoj narednoj sjednici Općinskog vijeća."

Inicijativa:

2. Pokrećem inicijativu da mi se dostave godišnji izvještaji o pravdanju sredstava, koja se dobivaju iz Budžeta Općine Ilijaš za Sportsku akademiju Ilijaš, u periodu 2012-2019. godine.

Također tražim da se uz izvještaj za svaku godinu dostavi analitička kartica s banke.

Tražim od nadležne općinske službe da mi dostavi Sporazum između Sportske akademije Ilijaš i Općine Ilijaš o korištenju sportskog terena s umjetnom travom iznad osnovne škole "Hašim Spahić".

Odgovor:

U skladu sa vašom inicijativom, obratili smo se poslovnici Vakufske banke u Ilijašu u kojoj Udruženje Sportska akademija Ilijaš ima otvoren račun. Vakufska banka je odgovorila aktom od 08.07.2020.godine, čiju kopiju vam dostavljam u prilogu.

U prilogu vam dostavljamo kopije periodičnih Izvještaja o pravdanju sredstava doznačenih iz Budžeta općine Ilijaš Udruženju Sportska akademija za period 2012-2019.godina, kao i kopije Bilansa stanja i Bilansa uspjeha iz godišnjih obračuna Udruženja za navedeni period.

Također, dostavljamo vam kopije:

1. Odluke o ustupanju prava korištenja nad zemljištem Udruženju Sportska akademija

- Ilijaš u svrhu izgradnje malonogometnog igrališta sa umjetnom travom, broj: 01/1-02-711-7/14 od 27.03.2014. godine ("Službene novine Kantona Sarajevo", broj: 15/14);
2. Ugovor o privremenom korištenju nad zemljištem u vlasništvu Općine Ilijaš, broj: 01/2-40-911/14 od 15.04.2014. godine;
 3. Odluka o stavljanju van snage Odluke o ustupanju prava korištenja nad zemljištem Udruženju Sportska akademija Ilijaš u svrhu izgradnje malonogometnog igrališta sa umjetnom travom, broj: 01/1-02-706-8/18 od 29.03.2018. godine ("Službene novine Kantona Sarajevo", broj: 15/18);
 4. Obavijest o raskidu Ugovora o privremenom korištenju nad zemljištem u vlasništvu Općine Ilijaš, broj: 01/2-40-911/14 od 15.04.2014. godine;
 5. Rješenje broj:01/2-40-1074.1/18 od 04.06.2018.godine.

ŠEHERZADA ĆOSIĆ – vijećnica SDA

Inicijative:

1. Pokrećem inicijativu ka JU Dom zdravlja Kantona Sarajevo da se režim rada Ambulate Mrakovo vrati na uobičajeni, koji je i bio prije perioda pandemije.

Obrazloženje:

Na taj način će se poboljšati kvalitet života stanovnika MZ Mrakovo i olakšati teškoće sa kojima se svakodnevno susreću.

Odgovor:

Inicijativa je upućena JU Dom zdravlja Kantona Sarajevo. Do pripreme materijala za 44. sjednicu Općinskog vijeća Ilijaš nismo dobili odgovor na vašu inicijativu. Po zaprimanju odgovora isti će biti prezentiran Općinskom vijeću Ilijaš.

2. Pokrećem inicijativu ka Centrotrans Eurolines Sarajevo, da se red vožnje, tj. autobuske linije na relaciji Ilijaš-Popovići, vrati na uobičajeni, koji je i bio prije perioda pandemije.

Obrazloženje:

Na taj način će se poboljšati kvalitet života stanovnika MZ Mrakovo i olakšati teškoće sa kojima se svakodnevno susreću.

Odgovor:

Inicijativa je upućena "Centrotrans-eurolines" d.d. Sarajevo. Dana 09.07.2020.godine zaprimljen je Odgovor broj:1-3545/20 od 06.07.2020.godine, čiju kopiju dostavljamo u prilogu.

Služba za društvene djelatnosti i poslove mjesnih zajednica

JAVNA USTANOVA
DOM ZDRAVLJA
KANTONA SARAJEVO
GENERALNI DIREKTOR
Datum: 21-07-2020

Broj: 04-03-5062-2/20

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK
S lužba za društvene djelatnosti i poslove mjesnih zajednica
n/r Sanja Zagorac-Jozić

PREDMET: Odgovor na vijećničko pitanje/inicijativu
-dostavlja se-

Veza Vaš akt broj: 07-05-SI/20 od 03.07.2020. godine

U vezi inicijative vijećnice Šeherzade Ćosić –SDA- na 43. sjednici Općinskog vijeća održanoj 30.06.2020. godine, obavještavamo Vas slijedeće:

Ambulanta Mrakovo privremeno je zatvorena zbog deficita zdravstvenih profesionalaca u Ustanovi i pogoršane epidemiološke slike. Naredbama Kriznog štaba o preraspodjeli radnog vremena i promjenom načina rada u zdravstvenim ustanovama a zbog uspostavljanja trijažnih punktova, H timova i Covid ambulanti došlo je do preopterećenosti zdravstvenog sistema u smislu deficita zdravstvenih profesionalaca. Svi pacijenti koji trebaju zdravstvenu uslugu a pripadaju navedenoj ambulanti, budu i biće primljeni u centralni objekat OJ DZ Ilijaš.

Trenutno je u Javnoj ustanovi Dom zdravlja Kantona Sarajevo raspisan Javni oglas za popunu upražnjenih radnih mjesta i doktora medicine, te se nadamo da će doći do jačanja kadrova Ustanove te da će OJ DZ Ilijaš biti u mogućnosti trajno otvoriti ambulantu Mrakovo.

S poštovanjem,

GENERALNI DIREKTOR
Dr Muhamed Ahmić
Specijalista neuropsihijatar



Dostaviti:
1. Naslovu.
2. a/a